

# A PALABRA TEN VIDA

Quero ser Rosalía de Castro,  
das súas fontes quero beber.  
Ou Ferrín, coas súas Magnolias,  
ou Novoneyra e o seu Courel.

Quen me dera ser Curros Enríquez  
e chorar cos Pinos de Pondal,  
as Verbas de María Mariño,  
con Cabanillas un poema cantar.

Porque a palabra ten vida...  
Poden subir ata o ceo e facelo algo meu.

Teñen vida...

Son suspiro, son alento,  
son bicos feitos de vento.

Teñen vida...

Xiran lentas como a roca,  
collen forza na túa boca.

Teñen vida...

Quen puidera escribir  
e poder así dicir.

Teñen vida...

Falar co Merlín de Cunqueiro.  
Ser querido como é Castelao.  
Ter Memoria como Neira Vilas  
e con Fole ler xuntos da man.

Contar catro con Manoel Antonio.  
Celso Emilio, na noite voar.  
Ver con Dieste os Arquivos do Trasnó.  
Manuel María e os soños ceibar.

(Retrouso)

Triunfar sobre o silencio,  
amosar galaxias de mel.  
Peneirar a realidade,  
de novo reverdecer.

Coller bágoas e sorrisos,  
facer sinfonías del...  
quen se non para dicilo...

(Retrouso)